



Ассаламу г'ялайкум!

БАРХЪДЕШЛА ГЪУНИ

РАЙОННА ЖАМИГ'ЯТЛА-ПОЛИТИКАЛА ГАЗЕТА

№ 2 (81311), ЯНВАРЬЛА 8, ЖУМЯГ'1, 2021-ИБИЛ ДУС. БАГЪА 4 КЪУР.

«Путь истины»

1938 ИБИЛ
ДУСЛИЧИБАД
ДУРАЙУСИ САБИ

ОСНОВАНА
В 1938 ГОДУ

У Ч Р Е Д И Т Е Л И:

Администрация МО «Акушинский район»
МБУ «Редакция газеты «Путь истины»
муниципального образования «Акушинский район»
Акушинское районное Собрание депутатов.



ЯНВАРЬЛА 12-ЛИЧИБ ДУРАБУРК'1УСИ РОССИЯЛА ПРОКУРАТУРАЛА БАРХ'ИЛА Х'1УРМАТЛИС ВА ЯНВАРЬЛА 13-ЛИЧИБ ДУРАБУРК'1УСИ РОССИЯЛА ПЕЧАТЬЛА БАРХ'ИЛА Х'1УРМАТЛИС «АХЪУШАЛА РАЙОН» МО-ЛА БЕК'1 М. КЪ. Г'1ЯБДУЛКАРИМОВЛА МУБАРАКУНИ

Х'1урматла прокуратурала х'1янчизарти!

Мубаракдирулрая х'1ушала Барх'ила байрамличил! Россияла прокуратурала органтани сари ак'лахъубла бухъянси ва гъмадла ах'ленси гъуни ахъиб. Ишбарх'ира прокуратурала х'1янчизарти законтала т'лалабуни детурхахъниличичи, г'ядлу-зегъа дузахъниличичи чекабизурли, улкала бух'лнаб бархибдеш х'лебяхъес сахъли саби.

Дигулра прокуратурала гъарил х'1янчизар ара-сагъли х'лериубли, сунела хъулир талих'1 ва разидеш диубли. Вирхулра нушала районна прокуратурала х'1янчизартанира чула чебла гъаннала г'лергъира ламусличил таманбирниличичи.

Илкъяйдали, мубаракдирулрая районна «Бархъдешла гъуни» газетала редакцияла х'1янчизарти печатьла Барх'иличилра!

Россияла журналистунани мурталра чула саниг'ятлис мардеш, халкълизи бархъси х'1якькъат аргъахъес къайгъи даклубирусире, дег'лара къиянти мераначиб бузули, мяг'ли-х'1ял дагъахъес, анц'букъунас бархъси къимат бедес чузибад лябкъуси бирусире ва ишбарх'ира илкъяйда бузули саби.

Районна газетала х'1янчизартас дигулра арадеш, хъулиб баракат, х'1янчилизира сархибдешуни диубли!



ЯНВАРЬЛА 12-ЛИЧИБ ДУРАБУРК'1УСИ РОССИЯЛА ПРОКУРАТУРАЛА БАРХ'ИЛА Х'1УРМАТЛИС ВА ЯНВАРЬЛА 13-ЛИЧИБ ДУРАБУРК'1УСИ РОССИЯЛА ПЕЧАТЬЛА БАРХ'ИЛА Х'1УРМАТЛИС АХЪУШАЛА РАЙОННА СОБРАНИЕЛА ПРЕДСЕДАТЕЛЬ Г'1ЯБДУЛЖАЛИЛ АБАКАРОВЛА МУБАРАКУНИ

Х'1урматла прокуратурала ва печатьла х'1янчизарти! Х'1уша лерилра прокуратурала ва печатьла х'1янчизартала бурх'лнала байрумтачил районна депутатунала шайзирадли урк'ли-урк'лиларад мубаракдирулрая!

Балулра, х'1ушала х'1янчурби жавабкарти сари. Цазаманализир илди царх'илталайзирад чебетаибдешличил дек'ларадухъира диэс х'1яжатти сари. Илди сек'лал нушани, депутатунани чедиулра.

Прокуратурала ва печатьла лебилра х'1янчизартас бузерилизир чедибдешуни, г'лямрулизир гъарбизуни диубли дигни балахъулра! Арали датабая лерилра!



ТАЛИХ'1 ВА АРАДЕШ ДИУБЛИ ДИГУЛРА

Байрамла барх'иличил бархбасахъи набчил бархбузути х'1янчизартас арадеш биубли дигни балахъулра! Илди лебилра законтала т'лалабуни хъулчили дуцили, г'ядлу-зегъа дузахъниличичи чекабизурли, районна бух'лнаб бархибдеш х'лебяхъес къайгъназиб бирар.

Барх бузутала г'лях'ти пикрумани урк'ли разибрахъу. Адам хат'лаикили, закон буи дело барили, илис тамбих'1 барахъни цалра х'1янчизар-

ли сунела чеблализи халх'лебиру. Илбагъандан халаси х'1янчи дурабурк'лу законт иргъахънила шайчиб. Илис бикъридеш диру районна «Бархъдешла гъуни» газетализир дурадулхъути луг'лилашал дахъал белк'ланани. Илди дирар «Прокуратурала балахъули саби» ибси рубрикала удир.

Г'лергъиси замана хасси пикри бях'ичиуулра дурх'лнала учреждениебачи. Илди гъар сек'лайзирад г'лердуцили

дияхъес чекадизурлира.

Хасте сигнализацияби ва царх'илтира х'1яжатти сек'лал агарси дурх'лнала учреждение районнизиб рахли ах'ли баргес х'лейрар.

Нушала къайгъни республикала прокуратуралера чех'ледаили кавлули ах'лен. Илбагъандан саби районна прокуратура г'лях'тигъунти прокуратурабазибад цализи буйг'лусира.

Лебилра х'1янчизартас талих'1 ва арадеш диубли дигни балахъулра.

М.Къ. Мирзакъадиев,
районна прокурор.



ДЕТЕРХАБ ГІЯХІТИ КЪАСАНИ!

Арбякун нушала гІям-рулизибад ца гьатІи дус--2020-ибил. Ахъушала районнис ил сегьуна уббухъунал, 2021-ибил дуслизир дарес далдуцибти сегьунти хІянчи лерал багьес къасличил чумал суал дедира «Ахъушала район» МО-ла администрацияла бекІ ГІябдулкаримов МяхІяч Къадиевичлизи. Нушала суалтас гІибти жавабтачил газета бучІантІи тяншібулрла.

—МяхІяч Къадиевич, 2020-ибил дуслизир районнис, гьар чинаралра къайдали, къиянтира камли хІедурги диалра, сегьунти сархІбдешуни днахъес имканбакІиба?

—Ашкарли къайдали, хапли чебакІибси корона-вирусла изай нушала район-нисра масъулти имцІади-ахъуб, далдуцибти хІянчи заманаличир дехІдихъес бетхІеурти анцІбукъуни диуб. Иличи хІерхІеили, районна мер-мусаличир дахъал сагадешуни днахъес имканбакІиб или бурес вирар. Илди хІянчи детерхахъес хъулчили бетаур район чула халаси къадри лебти проектунази каберхахъес бажардикни: «Комфортная городская среда», «100 школа», «Мой Дагестан—мои дороги», «Мой Дагестан—моя вода», «Местные инициативы» ибти умачилти. ЦацадехІ объектуначир хІянчи детерхур Дагъистан Республикала арадеш бихІнила, шила хозяйство-ла, багъудила, спортла Министертвобачил дархти проектуни хІясибли.

«Комфортная городская среда» биклуси проект хІясибли хІянчи дурадеркІибти сари районна центрла площадьличир, Устаз ГІяли - ХІяжила

уличилси къакъализир, ХІямшимала ва МухІела шимазир. Ахъушала шилизирти чумал къакъа къулайси агилчи душибти сари: ГІялимяхІовла уличилси, МФЦ-ла филиалла юртла гьалабад бехІбирхъус; гьалаба—Ленинна уличилси колхозла, гьанна «Ахъуша» СПК-ла контораби лерси мерличи бикайчи ва Хъарша аркъуси. Илди хІянчи детерхур «Мой Дагестан—мои дороги» биклуси программа хІясибли. Ишаб наб бурес дигахъаси Хъаршаб хІербирути адамтала къайгІиличилара -- мер-муса гІяхІдиахъес: чула бухІнаб вягІдалаби-убли, дуракабухъи бузули, хъаршукли дахъал гІяхІти хІянчи дариб, «Ахъуша» СПК-ла руководитель ГІяйсамирзаев МяхІям-мадли илди хІянчилси бекІдешдариб. Чула шиличи, шантаци уркІиизахъес балути адамти лебни дебали гІяхІси саби. Илдигъунти адамти районна центрлизибцунра ахІи, гьарил шилизибра леб, хаслира МухІела, Усишала, Тебекмахъила, АметеркІмахъила, Куркила, ХІинтІала, СирхІяла шимазиб ва махъурбазиб.

«Местные инициативы» биклуси программа хІясибли районна центрлизирти гьундури, къакъурби къулайси агилчи душибти сари. Илдигъунти хІянчи районна шимазирра дурадеркІили сари, мисаллис буралли, ХІямшимала, Тебекмахъила, Шукъдила, БурхІимяхъмахъила шимазир мини-футболла площадкаби далкъаахъурти сари. Гьебала шилизирра мер-муса къулайси агилчи дуршнила шайчир хІянчи детерхур.

2020-ибил дуслизир рай-

онна лерилра шимала генеральный планти дирнила хІянчи бекІдиуб. Ахирличи дикиб шимала гьундури хІисаблизи кайснिला—инвентаризацияла—шайчирти хІянчир. ДР-ла арадеш бихІнила Министертвола кумекличил Урхъучимахъила ва ГІантІала шимази сагати фельдшерско-акушерский пунктани кади-хъибти сари. Спортла Министертвола кумекличил Усишала шилизибти футболла хІязанас гІяхІти мер-муса далкъаахъурти сари. «Спорт—норма жизни» биклуси программа хІясибли Къассагумахъила ва Усишала шимазир спортлизиб бузес дигутас дахъал журала гІягІниахъала лерти площадкабира хІядурдарибти сари.

Илкъайдали, МухІела шилизи аркъуси гьуни къирли кабуцибси саби. ГІяхІси агилчи душибти сари Ахъушабад Дубримяхъилизи аркъуси, Узни—ХІинтІа гьундурира.

—МяхІяч Къадиевич, гІергъити дусмазир гІяхІти дардешуни дентаур районна багъудила учреждениебазир. Се барес имканбакІиба ил шайчиб арбякунси дуслизиб?

—«100 школа» биклуси программализи кадрехъуртири МухІела С. Къурбановла уличилси гимназия, БурхІимяхъмахъила, Тебекмахъила урга даражала школаби. ХІябалра багъудила учреждениелизирти хІянчи заманаличир хъараахъур. 20 школализир дурадеркІибти сари учительтас ва бучІантас шуртІри гІяхІдиахънила, хаслира ванадеш гІеббуцила шайчир: Гумрамахъила, Кавкамахъила, Кергук-

махъила, КургІила, Бутрила, Улучарала, Дубримяхъила, Цугнила ва цархІилтира. Чумал школализир хІянчи детерхур «Точка роста» ибси уличилси проект хІясиблира. ХІябал школализир отоплениела система сагабирнила шайчир хІянчи дурадеркІибти сари.

—«Развитие сельских территорий» биклуси программа хІясибли дарибти хІянчила чебкадра бурили дигахъелери.

—«Развитие сельских территорий» биклуси ДР-ла шила хозяйствола Министертвола программа хІясибли районна 8 шилизир сагати объектуни дирнила шайчир хІянчи детерхур: АметеркІмахъила, ХІерхмахъила, Дубримяхъила, Ургубамахъила, Урхъучимахъила, БурхІимяхъмахъила, Усишала, ГІинзимахъила халкълис, хаслира жагъилтас разидешли бетаур мер-муса къулайси агилчи душни, мини футбола площадкаби далкъаахъни.

—ДекІар-декІарти программаби, проектуни хІясибли дурадуркІути хІянчи заманаличир детерхахъес къайгІибарибтира гьанбушалли лайикъли хІебирив?

—Чедир гьандушибти объектуначиб бузули калун предпринимательти З. ГІисьяковла, М. БяхІяндовла бекІдешлиб бузути ва «Монолит», «Альянс», «Прогресс», «Гермес», «Акушастройсервис», «Академия спорта» ООО-бала хІянчизарти. Чучи хъарси хІянчи заманаличиб, чебетаахъили таманбарес къайгІила бегІтас баркалла хІейкес хІейрар! Лебтанилра чебиули саби илдани сецад чебетаили хІянчи дарибал,

дигалли районна центрла площадьличир, дигалли цархІилти мер-мусаличир. Чи виалра-- баркаллаличи лайикъси сай сунечи хъарси бирули гІергъи.

—Сегьунти программабази каберхурли Ахъушала район 2021-ибил дуслизиб?

—2021-ибил дуслизир районна мер-мусаличир чумал программа хІясибли хІянчи детурхар. Илдазибад имцІали мягІничебси саби «Мой Дагестан—моя вода» биклуси. Ил программа хІясибли хІябал шилизи шин дукес пикри саби — Усишала шилизи --12 километрла, Къассагумахъилизи—14,2 километрла, ГІантІала шилизи—4 километрла бухъандешличи. Ил программа хІясибли 2020-ибил дуслизир МухІела шилизи шин кибтири.

Илкъайдали, мер-муса къулайси агилчи дуршнила, адамтани бамсри ихъути паркани дирнила шайчирти хІянчи дурадеркІили дирар Усишала, Урхъучимахъила, ХІинтІала, Тебекмахъила, ЧебяхІ МулебкІила шимазир. Илди хІянчи детурхути сари «Комфортная городская среда» биклуси программа хІясибли.

ХІядурдарили лерти сари документуни районна центрлизиб сагаси поликлиникала юртлис ва БурхІимяхъмахъилизиб дурхІнала анхълис. Иншаллагъ, адамти разибарес, халкълизи баркалла ахъес саби нушала къас.

—Аллагъ икъалавиаб!
--Баркалла!

**П. Маллаева,
М. МяхІяммадов.**



Районна администрациялизиб

ХІЯЖАТСИ—ГЪАТІИРА ЧЕДЕТАИЛИ ДУЗЕС

дурабуркІуси комиссияли 2019-2023-ибти дусмас хасбарибси, Дагъистан Республикала мер-мусаличиб терроризмала идеологияличи къаршили дурабуркІуси хІянчила Комплексный план гІямрулизиб бетурхахънила шайчиб чекабизурли хІянчи бариб.

2020-ибил дуслизиб АТК-ли барибси хІянчи ункъли чебаили, заседаниела бутІакъянчибани челябкъалализиб селичи имцІали пикри бяхІчаез гІягІнилилра аргъахъиб. Къабулбарибси хІукмулизиб чебаахъиб 2021-ибил дуслизиб шимала бургани, багъудила ва спортла, культурала, жагъилтала политикала ва туризмала, багъахънибала ва СМИ-бачил бархбас бузахъуси управлениебала, духІнарти къуллукъунала отделла руководительти М. КаримхІяжиевли, ХІ. ХІясановли, ГІ. ГІялимяхІяммадовли ва ГІ. МяхІяммадовли сегьунти масъулти пикрила дайлар дихІес гІягІнилил: шима-

зиб, багъудила ва культурала учреждениебазиб, адамти имцІали цалабиркути мераначиб хІеруди имцІабарес, терроризмала идеологияличи къаршити белкІани, плакатуни, банэрти днахъес, гІяхІти гІядатуни дузахъес, гьар журала объектуназиб сахъдеш гІеббуцес, миллатуни-ургарти бархбасуни уржахъес, дурала мераначиб бучІули, бузули кали чарбухъунтачил иргъахънила хІянчи дурабуркІес ва гІяхІцад цархІилтира.

Терроризмаличи къаршили дурабуркІуси хІянчилизиб сецад халаси къадри лебсил балули динна агьлуличил, жамигІягла организациябачил уржибси бархбас бузахънила, заседаниеличиб къабулбарибси хІукмулизиб чебаахъиб хІянчила ил шали гьатІира асарчебсиле биахъес къайгІилизир диес гІягІнили биъни.

АТК-ла заседаниеличив гьайухъи, районна администрацияла бекІ ГІябдулкаримов МяхІяч

Къадиевичли буриб терроризмаличи къаршили хІянчи дурабуркІнила шайчиб Ахъушала район республикализиб гІяхІси къиматличи лайикъбикили биалра, гьаннала гІергъира гьар секІайчи чедетаили, цади-убли, терроризмала анцІбукъунани дихути балагъуни пикридирули, районна мер-мусаличи илгъуна талихІа-гардеш хъурахІебиахъес дузни лебтачибалра чебси саби или.

Ил бархІи бетаур наркотикуни пайдаладирниличи къаршили бузуси комиссияла заседаниера.

Заседаниеличиб гьайбухъунти духІнарти къуллукъунала отделла начальник ГІ. МяхІяммадовли, наркотикуначи къаршили хІянчи дурабуркІуси комиссияла бекІ специалист З. ГІябдулкъадировли ва цархІилтанни районна мер-мусаличиб ил шайчибси аги секъайда сабил, нушала дурхІни ва жагъилти ил кахси балагълизибад берцахъес

багъандан челябкъализиб се барес гІягІнилил буриб.

ХІердарибти суалтала черкад кІелра заседаниеличир хІукмурти ва 2021-ибил дуслис хІянчила планти къабулдариб. Къабулдарибти планти гІямрулизир детурхахънила хІекъелизиб АТК-лизи ва АНК-лизи балахъес хъарбариб шимала бургачи, багъудила ва спортла, культурала, жагъилтала политикала ва туризмала, багъахънибала ва СМИ-бачил бархбас бузахънила управлениебала, духІнарти къуллукъунала отделла, арадеш мяхІкамбирнила организациябала руководителтичи.

Дагъистан Республикала Миллатласи АТК-ла, Урехи хІебиахънила Советла тІалабуни хІясибли къабулдарибти планти детурхахънила шайчиб дурабуркІуси хІянчила чебкад балахъес гІягІнили саби гьар базлизиб, гьарил кварталла ахирлизиб. Цайбси багъахъни бархъахъес хъарбариб январьла 30-ибил бархІилис.

П. Маллаева.

ОБСУДИЛИ СИТУАЦИЮ ГОРНОЛЫЖНОЙ БАЗЫ «ЧИНДИРЧЕРО»



На снимке: М. Абдулкеримов среди участников совещания.

В связи с публикациями в отдельных средствах массовой информации республики, материала о якобы имеющем место давлении контрольно-надзорных органов к должностным лицам администрации горнолыжной базы «Чиндирчоро» глава Акушинского района Махач Абдулкеримов 18 декабря провёл экстренное совещание.

В совещании приняли участие прокурор Акушинского района Мирзакади Мирзакадиев, начальник ОМВД РФ по Акушинскому району Ахмед Магомедов, руководитель Левашинского межрайонного отдела Роспотребнадзора Султанбек Амиров,

представитель Левашинского межрайонного госпожнадзора МЧС РД Муртазали Абдуллаев, директор базы «Чиндирчоро» Бахмудкади Бахмудов и другие.

Глава района Махач Абдулкеримов подчеркнул важность развития в регионе туризма, спорта, создания условий для отдыха.

«Горнолыжная база «Чиндирчоро», расположенная в Акушинском районе, пользуется большой популярностью среди дагестанцев и гостей республики. Возможная помощь для её функционирования всегда оказывалась руководством района. Я не думаю, что контрольно-над-

зорные органы предъявляют к спортивной базе незаконные, невыполнимые требования. Этот объект -- с массовым пребыванием людей. И здесь должны быть созданы все условия для безопасного проживания, отдыха, питания отдыхающих граждан. Оказываемые базой услуги, в первую очередь, должны отвечать требованиям безопасности посетивших её граждан. Для чего все предписания, рекомендации и законные требования надзорных органов руководством и персоналом базы должны выполняться»,-отметил руководитель муниципалитета.

Далее высказался проку-

рор района Мирзакади Мирзакадиев.

«Никто в районе не препятствует бизнесу и предпринимательской деятельности напротив, надзорная деятельность прокуратуры района направлена на пресечение таких фактов. Прокуратура района осуществляет надзор за неукоснительным соблюдением на территории района требований федеральных законодательств. Это касается и горнолыжной базы «Чиндирчоро». Кому - то показалось, что надзорно-контрольные органы предвзято отнеслись в ходе проводимой проверки исполнения требований законодательства, регламентирующую антитеррористическую защищенность. Указанная проверка проведена с соблюдением требований закона. Основной целью проводимой проверки является обеспечение безопасности граждан, в том числе несовершеннолетних, посещающих горнолыжную базу. По завершении проверки, с целью устранения выявленных нарушений будут приняты соответствующие меры реагирования»,- сказал М. Мирзакадиев.

Свое мнение также высказали Султанбек Амиров и

Муртазали Абдуллаев. Все проводимые ими проверки прозрачные и объективные. Они выразили желание помочь в устранении имеющихся в деятельности базы недостатков.

Что касается публикации Башира Зугумова, которую растиражировали отдельные СМИ республики, отметили следующее. Он является администратором страницы горнолыжной базы «Чиндирчоро» в Инстаграм. Замечания и предписания контрольно-надзорных органов им восприняты как запрет на дальнейшее функционирование базы. И свое мнение, как выяснилось в дальнейшем, он опубликовал в Инстаграм без согласования с руководством базы.

Для всех любителей зимних видов спорта сообщаем, что в ближайшее время все нарушения и замечания надзорных органов руководством и персонал спортивной базы обещают устранить.

Деятельность горнолыжной базы «Чиндирчоро» ни кем не приостанавливалась, она по сей день продолжает функционировать.

Пресс-служба администрации МО «Акушинский район».

В. В. Путинна пресс-конференцияличила пикруми

АРАЛИ ВАТАБ РОССИЯЛА ПРЕЗИДЕНТ!

Декабрьла 17-личиб Россияла Президент Владимир Владимирович Путинни халаси пресс-конференция дураберкиб, дахьал суалтас жавабти дедиб. Лебил дунья сунечи хербиклуси адамлис гьамадли ахлен гьарил суайс балбикисби жаваб чарбатес,--цакамсилра ита-иша бухьалли хлядурли сабину Россия хлейгути Путинна гьай чина-дигара шурдатес, илдала мяглна гьарацлбарес, бурибси хьулчили буцили гляйибти чедушес. Гляйиб барес хлядуртас сабаб хлебикахьесли вегла пикри бурес балнира камси гьунар ахлен!

...Ишдус дубургазир дебаали жагати, ряхлягти, ванати глебшни детатур. Чинар - биалра дулхьути дуглбигра, чедидулхьути хлурклбигра, цали игути мер-мусара чедиухлели телевизора экранничир, «Шукру биаб Аллагьличи, ишгьуна уркелци лебнилис!» или гьанбиркули саби.

Ца дуги биалли муэрлизир дявти чедаили, урклрухьи чераргьира ва мерларис хлерирули рахьли калунра, - муэрлизир булан сецад кахлирил дявти! Хлябилра уркелцидурхьун дургьбала балагь--кьадар чедуркьубтачи ва сагали пикрирухьунра, се барес глягнлира или ил кахдеш сезаманалра чехлебуркьахьес нушала дурхлначира илдачиад аклубтачира!

Азербайджанна ва Арменияла ургар сагали вьшдурхьунти дявтани хлябилра адаптира агарбариб, мермусара заядариб. Россияла Президент Владимир Путинна ца гьатли халаси гьунар саби илди дявти тлашаахьес вируси тьхляр пикрибарни. Лебтанилра -- деклар вягдала мяглна бархьли аргьибсигьунара ахлен, цабахтас гьанбикили саби «нуша чедидикира» или, цархилти -- кьаршили дуракабахьун чула премьерличи, се вайтла аргьиб биалра.

Илди анцлбукьунала черкад дахьал гьайала лер гьар журала пере-

дачабазир. Ца политологли буриб: «Гляхлси замана лебри Муслим Магомаевли Арно Бабаджанянна далуйти дучлухлели!»

Марлира, Совет хлукуматла бегларала халаси сархибдеш сабри ил -- республикаби, миллатуни сари --ургар дархдалги хлерирахьни. Совет хлукумат агарбиубхлели -- цабалгундеш бихлес бажардибиркуси цлакьра агарли уббухьун.

Ишбархли дигалли Россияла бухл-наб ва алавчарли, дигалли араглебли дуньяличиб цабалгундеш, даршудеш, паргьатдеш дихлнлила анцлбукь хьарбикили саби ца адамличи -- Россияла Президент Владимир Путинничи. Илала духудешли бихлули саби ишбархли лебилра дунья виклалра хатла бетхлар! Сегьунти анцлбукьунти кидиркули Штатуназир, Европала улкназир -- лебу илдала кьайгь халкьли паргьатдеш глеббуцес! Агара. Англия паргьатли саби цархилти хлясибли, коронавирусли бархахьнила дурабад кьиян чехлебуркьубли, амма ил пачалихьла беклибиубси мурад даршудемазиб ца саби -- зулмукардеш дузахьни, ванзурби дурцини, пачалихьунти, адапти цаличи ца гьирбирули, илди кьавгьализи глелабушили, илизибад чус гляхлдеш кайсни яра цархилтачиб чебдукарбирхлени.

«Звезда» каналлизир нушала улкала тарихличила дахьал передачаби дирар. Илдазибад цализиб буриб 1945-ибил дуслла ца анцлбукьличила. Дявти тамандиубли глергьи клел баз дикибхлели Германияла Потсдам шагьарлизи конференцияличи баклили саби США-ла Президент Г. Трумэн, Великобританияла премьер-министр У.Черчилль, СССР-ла Генеральный секретарь И. Сталин.

Англияла премьерли Иосиф Сталин секьайдали гьирварибал Георгий Жуковличи ва иличирили нушала улкалилизир сецад хатлаби детатурал бу-

риб ил передачализиб.

Сталин ахленсирла чи-дигара хатлаикес асубирар, цархилтала глямултаци шакхлейкили вяшиклалли. Англияли чула даршудемала глямулти ишбархлира дамдарили сари: «Звезда» каналлизиад бурули кьайда, гьирбирули саби Турция -- Карабахлизирти дявти сагали вьшдурхьнила сабабра илизиб буили саби; гьирбирули саби Украина, «сецад дирадаллира кьайгьи барая или Белоруссия бархахьес. Белоруссия паргьатли батурли дигалли --нушаб Крым чарбарая» или суал тлакьбатирая Россияла гьала!» -- илкьайда глеббурули саби Англияли Украинас.

Англияли ва Штатунани вьшдирути лерилра авара -- Россиялис, Владимир Путиннис вайбаркьлис, Россия бархахьес, селичи биалра разиагардеш аклахьубли, халкь кьакьурбазидурабухьахьес багьандан сари. Сецад авара дариба Европала улкнани Навальныйла черкад! Севан глерруциба Белоруссиялизирад гьаррухьунси Тихановская. Илди ахлен глягнिति Западлис, илди гьунти пайдалабарили, Россиялис диргалабухьес имкан саби глягниси. Англия ва Америка кьайгьилизир сари лебил дунья Россияличи кьаршили казс, се тьхлярли биралра нушала пачалихьлис диргалабухьес, гьаларла союзти республикаби дархахьили, чула шайчи дитлакес. Хлера, Казахстан биргьабиргес балбизур, Шевченко шагьарлизи НАТО-ла база кабибахьес кьабулбикахьиб.

Ил анцлбукьличи шакикили, Россияла Президент Владимир Путинни Каспи урхьула дубаначирти пачалихьунала бурги цалабахьиб ва илди мер-мусаличи дурабадти гьамхлеби-ахьес ибси вяглда бариб.

Карабахлизирти дявти авцали бархиличирира имцлали кали диалра, кабушитала жаназуни авлахьличир

кали дуили сари. Владимир Путинна кьайгьиличил дургьби тлашаибти хледиаллири, глурра сецад адапти кьирбирил ва алхунти сецадхли хлерили калес асубирил - аргьес кьиянни ахлен.

Владимир Путин шакиркули вьтни Россия хлейгутала глямултаци -- халаси игьбар саби. Чиллализиб ванаси хлебла бархливан ваклиб Россиялис кьиянхлели Владимир Путин. Чиллализиб хлерила дуб кьайдали «мигьдьяргили» гьар секлал, тлашлири Россияла глямру, харибирули душмантира, таманни бетихьур или бахьхлиагарли «Россия» биклуси пачалихь.

Хлеб даклибхлели дунья секьайда сагабирули, мицлбирбирули бирарал -- илкьайда сагабиахьуб Владимир Путинни Россия. Ил анцлбукь саби белхес хлебирули, кьабулхлебиркули, «ит бехьубли таманкабируси Россия сабсив гьанна ишкьайда цлакьбиубси?» или гьими -- кьясли душманти бирцлахьуси.

Нушала пачалихьлис халати зарули детарули сари тлабиглятла балагь -- кьадарличирли, жура-журала бехлемцуначирли. Илдачи хлерили, пачалихьла ахьри лебли биьни адаптас, хаслира биштлатала бегллас кумекбарес, разивиси анцлбукь саби.

Илбагьандан Россиялизив хлерируси гьарил адам дебаали пикриухьи вяшиклес глягнлили саби, цархилти мераначиртигьунти кьавгьара, дявтира детхлахьес, гьанбиркахьули вегла дурхлнра, гьамтира, гьаннала глергь хлерибиз глягнитира.

Россиялизиб сегьуна -- биалра бархибдеш даклубухьахьес хлерили саби Россия хлейгути. «Вегл хлейгути разихлебиахьес багьандан адамлизир даари яхлра, глякьлурла дизс глягнिति сари!» -- или биклули аргьакьунти саби нушала халаберлти. Илди гьай хьумартахлели -- гляйиб нушачиб бирар.

П.Маллаева.

ЕЁ НЕЛЬЗЯ ЗАБЫТЬ!

Камбаймагомедова Хамис Магомедовна – доярка колхоза имени Орджоникидзе Акушинского района. Родилась в 1925 году в с. Шукты Акушинского района в семье крестьянина, даргинка.

После учёбы в Шуктынской сельской школе, окончить которую не пришлось из-за начала войны, в 1943 году она

поступила работать дояркой в местный колхоз им. Орджоникидзе.

Ежегодно на протяжении многих лет Хамис Камбаймагомедова добивалась надоя по 2800 килограммов молока от каждой закреплённой за ней коровы.

Указом Президиума Верховного Совета СССР от 27 ноября 1965 года за особые заслуги

в развитии народного хозяйства Дагестанской АССР звеньевая Камбаймагомедова Хамис Магомедовна была удостоена звания Героя Социалистического Труда с вручением ордена Ленина и золотой медали «Серп и Молот».

Скончалась в 2002 году.

З. Мирзаева,
директор музея района.



ГАЗЕТАЛА
БЕК1 РЕДАКТОР
П.Ш.МАЛЛАЕВА
8-260-21-2-20



БЕК1 РЕДАКТОРЛА
ЗАМЕСТИТЕЛЬ
М. М. МЯХИЯММАДОВ.
Тел. 8928-872-58-85



АДРЕС:
368280
АХЪУШАЛА РАЙОН,
АХЪУШАЛА ШИ.
«БАРХЪДЕШЛА ГЪУНИ»
ГАЗЕТАЛА РЕДАКЦИЯ.
сайт: путь истины.рф
эл.почта:put-istiny@mail.ru



ГАЗЕТА
КАБЪХЪБИ САБИ
МЯХИЯЧКАЛАЛИЗИБСИ
«ИЗДАТЕЛЬСКИЙ ДОМ
ДАГЕСТАН»
ТИПОГРАФИЯЛИЗИБ.
АДРЕС
ИЗДАТЕЛЯ И ТИПОГРАФИИ:
РЕСПУБЛИКА ДАГЕСТАН
ПР. ПЕТРА ПЕРВОГО, ДОМ №61
ТИПОГРАФИЯ «ИЗДАТЕЛЬСКИЙ
ДОМ ДАГЕСТАН»
Т. 88722-65-00-51.



ГАЗЕТА
ЖУМЯГ1 БАРХ1И
ДУРАБУЛХЪУСИ САБИ



КЪУЛБАСБИРУСИ ЗАМАНА
17 СЯГ1АТ.
КЪУЛБАСБАРИБСИ
ЗАМАНА 17 СЯГ1АТ.



АВТОРТАНИ
ЧУЛА МАТЕРИАЛТАЛА
Х1ЕКЪДЕШЛИС ВА
БАРХЪДЕШЛИС ЖАВАБ
ЛУГУСИ САБИ.



ГАЗЕТАЛИС
КЪУЛБАСБАРЕС ВИРАР
ДИГАЛЛИ ПОЧТАЛА
ОТДЕЛЕНИЕБАЗИБ,
ДИГАЛЛИ РЕДАКЦИЯЛИЗИБ.
ГАЗЕТАЛА ИНДЕКС 51345

Тираж 1000 экз.



Школала г1ямру ДУРХ1НАЛА АВИДЛИЗИР



Суратлизир: П. Г1ялиева.

Ахъушала цаибил номерла школализиб чебетаибси бузерилицибли царх1илтас г1ибрат чебиахъути г1ях1цад учительти бузули саби. Илдигъунтазирадли ца сари Г1ялиева Пат1иматра.

15 дус рузули Пат1иматли бех1бихъудла классунала бахъал дурх1ни чедирти классунази гъуниббатур. Гъуниббатур мурхъти багъуддумала хъулначибли, г1ях1ти низам-зегъаличибли, г1ибратла баркъуддумачибли.

--Муг1яллимла бузерила чебаъ дарс кабихъили ил аргъахънилизибцун баибси ах1ен. Илдас г1ях1ти бухъя-зегъала хъулчира кабихъес х1яжатси саби. Ил сек1ал дила пикрила дай-

лаб бирар,-- бурули сари Пат1имат Г1ялиевани.

Пат1имат рархъли риклули сари ва дурх1ни бухъя-зегъализиб кагибтили биахъес, г1ямрула халатала х1урмат-хатир дирахъес, салам гъаббирахъес, х1яжатсилес кумекличи музабулхъахъес махрик1ар. Ил сек1ал наб марбиуб камси гъалабван Пат1иматли буч1ахъути дурх1ни сунечил барх культурала управ-

Белч1удилизив бажарди-х1еркуси агара. Дурх1ни цаличи-ца бархбаси, сабиургаб дигичебли буч1ули ва вьшбик1ули саби.

--Ну,--риклули сари Пат1имат Г1ялиева,--дурх1нала бег1тачил гъаман гъунирули рирус. Дурх1нала школализирти ва хъулирти баркъуддуми дарх пикридри рули дирех1е, илди гъат1ира г1ях1диахъести тях1урти дургулра.

хасбирулра иш назмура:
... Дурх1нала авидлизир
Ралгири х1у, Пат1имат,
Тяп илван х1ерриаби
Х1ела мургъила жан дат!

Гъариллис чебсаргъибси
Салам гъаббирахъули,
Муг1яллимла амрулис
Мардеш чедиахъули.

Дурх1ни багъуддумала
Тухрачи абалтулри,
Нешливан лявбирули
Гъаман х1улбурк1ахъули.



Суратлизиб: Пат1иматли буч1ахъути 4-ибил классла дурх1ни.

лениелизисби жагъилгъала центрлизи бак1ибси замана. Илдани ишар чула кагибти бухъя-зегъа чедаахъиб.

Ил 4-ибил «Б» класслизиб 32 урши-рурси леб.

Саниг1ятлис марси дурх1ни дигуси, илдада багъуддумала хъулчни диахъес чекаризурли рузули сари Пат1имат Г1ялиева. Ил пергер муг1яллимлис

Пат1имат, х1у рашуси
Дякъ, гулванани берхъаб,
Зуг1лумала зидани
Мякъларад гъарахъдиркаб!
М. Мях1яммадов,
поэт, журналист.

ЖАВАБКАРДЕШЛИЧИЛ РУЗУСИ

Бях1яндг1ялиева Аминат Г1ябдуллаевна 2001-ибил дусличирад рех1рихъили РФ-ла Пенсионный фондла Ахъушала районна отделенилизир рузули сари. Илис гъалар Соцзащитала управлениелизир рузули калун, г1ур Пенсионный фонд аклубх1ели ила шурриуб.

Аминат Г1ябдуллаевна пенсия кабилзахъуси

ва перерасчет бируси отделла халалгъуна специалистли рузули сари. Илин сунечи хъарси х1янчи жавабкардешличил, черетаили даимбиру, адамтази малх1ямли гъайрик1ар.

«Ахъушала район» МО-ла администрацияла шайзирад чумал Х1урматла грамоталичил шабагъатларарили сари. Аминат халаси, ши-

лизиб х1урматла хъалибарглизир халараибси сари. Неш дудешли илдас г1ях1си бяркъ бедиб, лебилра узи-рузи халкъла баркалла сархили х1ербирули ва бузули саби. Сунела муруйчил барх Аминатли к1ел рурси абилкъули сари, илдас г1ях1си бяркъ бедес, багъуди касахъес къайгъи бирули сари.

С. Г1ябдуллаева,
нушала корр.



Суратлизир: А. Г1ябдуллаева.

БАГЪАХЪНИБИ

Х1ямшимала школани 2011-ибил дуслизиб Бегаева Гулжанат Х1яжимях1яммадовнала уличил бедибси 05 АБ 0036718-ибил номерла аттестат бетяхъни багъандан х1ебузусилизи бейг1ес чебиркур.

Цугнила школани 1982-ибил дуслизиб Рабаданов Х1яжимях1яммад Мях1яммадзагъировичла уличил бедибси Б. 887279 номерла аттестат бетяхъни багъандан бузх1ебузусилизи халбарес чебиркур.

ГАЗЕТА ХАЛКЪЛИЗИ МЯГ1НИ-Х1ЯЛ ДАЛАХЪУТИ Г1ЯГ1НИАХЪЛУМИ ЛУК1УСИ ВА ИЛДАЛАРА ПЕЧАТЪЛАРА Х1ЕКЪЛИЗИБСИ РФ-ЛА ЗАКОН БУЗАХЪНИЛИЧИ Х1ЕРУДИ БИРУСИ ДР-ЛА УПРАВЛЕНИЕЛИЗИБ БЕЛК1УНСИ САБИ. БЕЛК1НИЛА НОМЕР-ПИ №ТУ05-00319